



18. oktober 2023

UKA23/47

**Naartunermi, erninermi meeravissartaarnermilu sulingiffeqartarneq pillugu Inatsisartut inatsisaat nr. 5, 19. november 2020-imeersoq UKA24-mut allannguutissaanik siunnersuusioqqullugit Naalackersuisut peqquneqarnissaannik inatsisartut aaliangiiffigisassaattut siunnersuut, taamaaliornikkut ataataaqataasup ernereernerup, meeravissartaareernerulluunniit kingorna anaanaaqataasut assigalugit sulingiffeqarsinnaalerseqqullugu.**

(Inatsisartunut ilaasortaq Peter Olsen, Inuit Ataqtigiit)

Inatsisartut suleriaasianni § 33 naapertorlugu aalajangiiffigisassatut siunnersuut, Siumumit ima oqaaseqarfigissavarput:

Siumut isumaqarpoq, naartunermi, erninermi meeravissartaarnermilu sulingiffeqartarneq pillugu inatsisartut inatsisaat nr. 5, 19. november 2020-meersumut UKA24-mut allannguutissaanik siunnersuuteqartoqassappat pissutissamisoortuusooq.

Nunarsuatsinni INUIT pisinnaatitaaffiannut naapertuuppoq, angutit meeravissartaarnermi pisinnaatitaaffii anaanamuinnaanngitsoq atuutilernissaat. Inooqatigiinnut assut oqilisaataassaaq aamma Nunani Avannarlerni misilittakkat takutereernikuuat, qanoq ilaqtariinnut pitsaasumik sunniuteqarsinnaasoq.

Taamaammat Siumut isumaqarpoq, suiaaqatigiinnut peqqinnarlunilu toqqissiallannartuussasoq pissutigalugu, suiaaqatigiit immikkoortinneqarunnaarlutik, inuttut allatulli isigineqalerlutik katissinnaanngorput, aappariittullu katissimasutut inatsisigut pisinnaatitaaffeqalerlutillu illersorneqalertussanngormata. Taamaakkaluartoq katisimangitsutut meeqqamut angajoqqaajusutut akisussaaffigeqatigiinneq pappiaqqatigut naqissuserneqartarnissaa kipiluttunartutut maannamut suli ingerlaaseqarpoq. Taamaattumillu suiaaqatigiinni angajoqqaatut meeqqamut akisussaaffigeqatigiinnissaq aporfeqanngitsumik inississinnaalernissaa pissusissamisoortutut isigalugu Siumumit suleqataaffigerusupparput.

Uanili Siumup maluginiarpaa Naalackersuisut akissutaanni, inatsit malillugu ingerlassagutta piunasaqaatit annertunerujussuusut. Tamanna Siumumit ilungersunartutut isigaarput, peqqutigalugu akissummi ersermat anguteqatigiit meeravissartaarnissaat minnerpaamik ukiut marluk affarlu sinnerlugu utaaqqisalertussaananerats ersermat. Siumut isumaqarpoq siviluallaartoq, tassungalu peqqutaasut aamma qulaajarneqarnissaat pisariaqarsorinartuusut.

Ullumikkuttaaq meerartaarsimanermit sulingiffeqartarnerit tamanut assigiimmit atugassaqartitsinnginneri matumani isiginiarusunnarput, taamaattumillu kikkut tamat pisinnaatitaaffeqarnissaannut, ilaqtariillu tatigineqarlutik namminneq iluminni aaqqiissuteqarnissaannut inatsimmi periarfissiisoqarnissaa aamma ilanngullugu



isiginiarusunnarluni, taamaasilluni ernereermermi sulingiffeqartarnermi piffissaatitaasoq angajoqqaajusut namminneq aalajangermikkut aqussinnaalersissallugu.

Taamaammat Naalakkersuisut oqaaseqaatsimmi allannguutissatut siunnersuummik saqqumiinissaat Siumut naalaarusuppaat. Nassuiaallu UKA2024 utaqqimaassallugu Siumut aalajangerpoq, taamaammat una aalajangiiffigissassattut siunnersuut oqallinnermik pilersinnagu taamaassorinninnginissamut ikaannginnissaa piniarlugu Siumut aalajangerpoq nassuiaat utaqqimaartariaqarlugu.

Taamaalilluni Ilaqutariinnermut Peqqissutsimullu Ataatsimiititaliami kusanartumik torersumillu misissorneqarnissaa siunniullugu una taparserujussuarparput, uanilu ilanngullu ernereermermi sulingiffeqartarneq qanoq tamanut pitsaanerpaamik aaqqiissuteqarfigineqarsinnaanera misissuiffigeqqullugu Siumumit nalunaarutigissavarput.

Dines Mikaelen

Siumut